

An itron.

Sialouet cana me ho ped
 roit ho audienç da klevet (1)
 Eur kentel skrivet en brezonnec
 Erruet en touesk ar Spagniolet
 Breman zeuz eun neubeut a amser
 Trist a pitoyabl da glevet.

Da zaou den iaouank ra al lez
 En honestis gant karantez
 Eb caout dessin d'offençi Doue
 An daou man sur en eum carie

O zud ne permetchont ket gato
 O vichen o daou dimezet.
 Ar plac'hik voa coant a galant
 Koulz vel ma voa an den iaouank.

Eun digentil deu de goëlet
 An devoa eur moyen puissant
 Ag e voa dezan prest prometet
 E zad e mam a voa contant.

Ar peç zo leet da beb craoadur,
 Senti a de vam a de tad
 Diwel a ranker och ar fortun
 Mer a hini ne reont ket mad

Ouman sur a zo demezet
 Da eun den kris a direspet
 Meurbet sur en devoa bed moyen
 da beva e desir he halon.

Divoël a ranker doch ar fortun
 Malheur e bed desi beza itron.

An Daou man sur a ra al lez
 Ag e neum rankontr eun dervez.
 Debonjour dec'h itron a mezan
 Me a meus ho karet eum c'halon

Me a sonje vijem bed priejou
Joa meus a d'ho koëlet itron.

– No heus ket sur amzer kolet
Me a meus ive ho karet
Dre ma zoc'h eun den iaouank fur
Me meus ho karet em halon.

– Me a sonje vijem bed briejou
Joa meus a do koëlet itron.
Na ma pefe ar vadelez
da rei eun habid din da viska
Deus ho habid paisantez

Evid e neum viska e plac'h
D'ho servicha kement o karan
Itron ne allan mui e nac'h. –

Parti a ra tresek an noblanç
Da klask plass a condition
e tal an nor pa he erruet
An otrou en deus he goëlet.

– Aman heuz eur plac'h itron emezan :
Ma houfen e ve plac'h honest
An itron an deus respontet
Pel eo bed din kamaradez

– Ouman sur a zo recevet
Da c'houarnerez eo lakeet
Beva reont e doujans Doue
ken eo deuet an drouk speret

Evid planta e pen an otrou
Kos sonjou fal deus e briet.

En dervez eb chonjal e droug
Pa voa ed an otrou en he roud

E roas eun habid dezan da viska
Eun habid demeuz ar gaëra

Hi a viskas he habid euret
Ma ne neum velen pen kel a troad.

Ar sal zo leun a milizoliou
Partout dre pevar c'horn ar sal

Pen kel a troad a neum velont
Ma deuont da neum asmira.

Red e ve dre kusuil an droug speret
An otrou dar ger zo distroët.
Eb kaout amser da chench ho dillet
En deveus-hi o attrappet.

Ar zal a zo didapisset,
E du e kaon he zeo lakeet

Ranet eo e tre pevar c'hartier
Eun tam deus a beb korn ar sal
Tachet eur gadeur a kreïs ar zal
Eo bed condaonet e pad eur bloas
Deiz a nos, da zeveilli e amourous

Kleuzet e ben vel eur skudel
Da servich a skudel dizi
Trohet ar c'hig divar he zaouern
Da servich da loa da fourchetez dezi

Ar pez a re a poan de speret
Renke a nespét dizi

Drebi bouet gant eskern en den maro
E bouet e lakea da vantri.

Daou tad santel kabucin a deuas d'he koelet
A houlenas e c'hraç dezi
Evid ma vije dilivret.

Ne voan(t) ket ed a dri bas dioc'h an ti
An tan er maner zo kroget
Ar maner zo demonnet
An otrou a zo bed devet

An itron zo ed d'ar go(u)ent
Da beurnifissa e buhez.
Graç dizi da veza recevet
En touez ar sænt ag an ellez !

Catou Boudier, de Plouenan 22 8bre 1852.

(1) Ce vers est écrit dans le ms. Penguern, dans la marge droite du texte, sur la même ligne que le 1er vers. Est-ce une variante du 1er ?